

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u skladu sa Programom utroška sredstava u Ministarstvu za rad, socijalnu politiku i izbjeglice, za 2019. godinu, broj: 02-14-8204/19 od 14.05.2019. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 23. sjednici, održanoj dana 04.10.2019. godine, d o n o s i

ODLUKU

o odobravanju sredstava za sufinansiranje projekta na području općine Zavidovići „Rekonstrukcija puta Kamenica-Mitrovići-Mašice“ s ciljem pružanja potpore povratku

Član 1. (Predmet)

Odobravaju se sredstva u iznosu od 20.000,00 KM (slovima: dvadesethiljada konvertibilnih maraka) kao učešće Zeničko-dobojskog kantona u sufinansiranju realizacije infrastrukturnog projekata „Rekonstrukcija puta Kamenica-Mitrovići-Mašice“, s ciljem pružanja potpore povratku na područje općine Zavidovići.

Član 2. (Analitička konta)

Sredstva za realizaciju infrastrukturnih projekata iz člana 1. ove odluke isplatit će se iz Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), razdjel 20, budžetska organizacija 01, potrošačka jedinica 0001, ekonomski kod 614200, subanalitika KAD 202, pozicija Budžeta: „Sredstva za podsticaj povratka izbjeglih i raseljenih lica“, na način definisan Sporazumom o udruživanju sredstava za realizaciju infrastrukturnih projekata na području Zeničko-dobojskog kantona, koji čini sastavni dio ove odluke.

Član 3. (Uplata sredstava)

(1) Uplata odobrenih finansijskih sredstava će se vršiti na račun izvođača radova, odabranog nakon provođenja procedure odabira izvođača radova u skladu sa Zakonom o javnim nabavkama Bosne i Hercegovine („Službeni glasnik BiH“, broj: 39/14), koju će provoditi Federalno ministarstvo raseljenih osoba i izbjeglica, kao Nosilac projekta.

(2) Ugovor o izvođenju radova na projektu iz člana 1. ove odluke će se potpisati između sufinansijera na realizaciji projekta sa odabranim izvođačem radova.

Član 4. (Ovlaštenje i provođenje Odluke)

(1) Ovlašćuje se Azra Šabanović, ministrica za rad, socijalnu politiku i izbjeglice da u ime Vlade Zeničko-dobojskog kantona, potpiše Sporazum o udruživanju sredstava za realizaciju infrastrukturnih projekata na području Zeničko-dobojskog kantona, kao i ugovor o izvođenju radova na projektu iz člana 1. ove odluke.

(2) Za realizaciju ove odluke zadužuju se Ministarstvo za rad, socijalnu politiku i izbjeglice i Ministarstvo finansija svako u okviru svojih nadležnosti.

Član 5. (Izvještavanje)

Federalno ministarstvo raseljenih osoba i izbjeglica, kao Nosilac projekata će koordinirati sa Ministarstvom za rad, socijalnu politiku i izbjeglice Zeničko-dobojskog kantona, s ciljem praćenja i izvještavanja o stepenu implementacije projekata.

Član 6.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona”.

Broj: 02-14-14974/19

Datum, 04.10.2019. godine.

Z e n i c a

PREMIJER

Mirza Ganić

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x Federalno ministarstvo raseljenih osoba i izbjeglica (putem ministarstva),

1x Općina Zavidovići (putem ministarstva),

1x “Službene novine Zeničko-dobojskog kantona”,

1x a/a.

Na osnovu Zakona o raseljenim osobama i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine Federacije Bosne i Hercegovine“, broj:15/05), Odluke Federalnog ministarstva raseljenih osoba i izbjeglica broj:03-36-2-372-1450/17 od 30.04.2018. godine, te ciljevima iz Strategije Bosne i Hercegovine za sprovedbu Aneksa VII Dejtonskog mirovnog sporazuma, Federalno ministarstvo raseljenih osoba i izbjeglica, Ministarstvo za rad, socijalnu politiku i izbjeglice Zeničko-dobojskog kantona i Općina Zavidovići zaključuju:

SPORAZUM
o udruživanju sredstava za realizaciji infrastrukturnih projekata
na području Zeničko-dobojskog kantona

Član 1.

(1)Federalno ministarstvo raseljenih osoba i izbjeglica, Ministarstvo za rad, socijalnu politiku i izbjeglice Zeničko-dobojskog kantona i Općina Zavidovići, usaglasili su se u pogledu udruživanja finansijskih sredstava i načina realizacije infrastrukturnog projekata obnove kako slijedi:

r/b	Naziv projekta	Procjenjena ukupna vrijednost projekta u KM	Procjenjena ukupna vrijednost Projekta I-faza	Učešće Ministarstva za rad socijalnu politiku i izbjeglice Zeničko- dobojskog kantona u KM	Učešće Općine Zavidovići u KM	FMROI Nosilac projekta
1.	Rekonstrukcija puta Kamenica-Mitrovići- Mašice.	600.000,00	80.000,00	20.000,00	10.000,00	50.000,00 KM

Na osnovu procjenjene vrijednosti projekta učešće u sufinansiranju Ministarstva za rad socijalnu politiku i izbjeglice Zeničko-dobojskog kantona i Općine Zavidovići je ovim sporazumom definisano, a eventualno potrebna dodatna sredstva obezbjedit će Nosilac projekata nakon provedene procedure i tenderom utvrđene cijene najpovoljnijeg izvođača radova.

Član 2.

Ukupna sredstva koja će se udružiti biti će definisana po okončanju odabira najpovoljnijih izvođača radova, što će obaviti Nosilac projekta u skladu sa ovim sporazumom.

Član 3.

Za realizaciju projekta iz člana 1. ovog sporazuma, odgovorno je Federalno ministarstvo raseljenih osoba i izbjeglica, kao Nosilac realizacije, Ministarstvo za rad socijalnu politiku i izbjeglice i Općina Zavidovići, svako u okviru svoje nadležnosti.

Član 4.

Ugovor o izvođenju radova, na projektu iz člana 1. ovog sporazuma biti će potpisan nakon provođenja procedure odabira izvođača radova u skladu sa Zakonom o javnim nabavkama Bosne i Hercegovine ("Službeni glasnik BiH", broj: 39/14), koju će provoditi Nosilac projekta.

Član 5.

Doznaka finansijskih sredstava od strane sufinansijera, će se vršiti na račun izvođača radova, a na način koji će biti definisan ugovorom o izvođenju radova. Ugovorom o izvođenju radova definisat će se i sva ostala prava i obaveze potpisnika Sporazuma.

Član 6.

Federalno ministarstvo raseljenih osoba i izbjeglica, kao Nosilac navedenog projekta iz člana 1. ovog sporazuma, može i sa drugim potencijalnim donatorima koji izraze želju za sufinansiranjem, zaključiti ugovor o međusobnim pravima i obavezama u vezi realizacije predmetnog projekta.

Član 7.

Sporazum stupa na snagu danom potpisivanja strana potpisnica ovog sporazuma.

Član 8.

Sporazum je sačinjen u 4 (četiri) primjerka, od kojih Nosilac projekta zadržava 2 (dva) a svaka strana potpisnica zadržava po 1 (jedan) primjerak.

Ministarstvo za rad, socijalnu politiku i izbjeglice

Zeničko-dobojskog kantona

Azra Šabanović, ministrica

Broj: _____/19

Datum, _____ 2019.godine

Federalno ministarstvo

raseljenih osoba i izbjeglica

Edin Ramić, ministar

Broj: _____/19

Datum, _____ 2019.godine

Općina Zavidovići

Hašim Mujanović, načelnik

Broj: _____/19

Datum, _____ 2019.godine